

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ (ইআরডি)
এডিবি-৩ শাখা
শেরে বাংলা নগর, ঢাকা।
www.erd.gov.bd; Fax: 9180788

প্রেস বিজ্ঞপ্তি

আজ ২৯ জুন ২০২২ তারিখ বাংলাদেশ সরকার এবং এশীয় উন্নয়ন ব্যাংক (এডিবি)-এর মধ্যে স্থানীয় সরকার বিভাগের আওতায় স্থানীয় সরকার প্রকৌশল অধিদপ্তর কর্তৃক “বাংলাদেশ: ইমারজেন্সি এসিসটেন্স প্রজেক্ট (এলজিইডি অংশ)” এবং জনস্বাস্থ্য প্রকৌশল অধিদপ্তর কর্তৃক “কক্সবাজার জেলার উখিয়া ও টেকনাফ উপজেলায় পানি সরবরাহ ও স্যানিটেশন কার্যক্রমে জরুরি সহায়তা প্রকল্প” শীর্ষক চলমান দুটি প্রকল্প বাস্তবায়নের লক্ষ্যে অতিরিক্ত অনুদান হিসাবে ৪১.৪ মিলিয়ন মার্কিন ডলার এবং সড়ক পরিবহন ও মহাসড়ক বিভাগের আওতায় সড়ক ও জনপথ অধিদপ্তর কর্তৃক “জরুরি সহায়তা প্রকল্প: কক্সবাজার-টেকনাফ সড়ক (এন-১) উন্নয়ন প্রকল্প” শীর্ষক চলমান প্রকল্পে অতিরিক্ত অর্থায়ন হিসাবে সহজ শর্তের ৩০ মিলিয়ন মার্কিন ডলারের Emergency Assistance Project- Additional Financing – শীর্ষক অনুদানচুক্তি ও ঋণচুক্তি ঢাকায় স্বাক্ষরিত হয়। বাংলাদেশ সরকারের পক্ষে অর্থনৈতিক সম্পর্ক বিভাগের সচিব **মিজ ফাতিমা ইয়াসমিন** ও এডিবি’র পক্ষে বাংলাদেশ আবাসিক মিশনের কান্ট্রি ডিরেক্টর Mr. Edimon Ginting উভয়চুক্তিতে স্বাক্ষর করেন।

বাংলাদেশ: ইমারজেন্সি এসিসটেন্স প্রজেক্ট (এলজিইডি অংশ):

স্থানীয় সরকার বিভাগের আওতায় স্থানীয় সরকার প্রকৌশল অধিদপ্তর কর্তৃক “বাংলাদেশ: ইমারজেন্সি এসিসটেন্স প্রজেক্ট (এলজিইডি অংশ)” চলমান প্রকল্পের প্রাক্কলিত মোট ব্যয় ৩২১ (তিনশত একুশ) কোটি টাকা সমপরিমাণ ৩৭.৪১ (সাতত্রিশ দশমিক চার এক) মিলিয়ন মার্কিন ডলার। ৫৩ (তিপ্পান্ন) কোটি টাকা সমপরিমাণ ৬.১৮ (ছয় দশমিক এক আট) মিলিয়ন মার্কিন ডলার বাংলাদেশ সরকার যোগান দিবে। এডিবি বাংলাদেশ সরকারকে অতিরিক্ত অনুদান হিসাবে ১০.৯১ (দশ দশমিক নয় এক) মিলিয়ন মার্কিন ডলার প্রদান করবে। এর বাস্তবায়নকাল জুলাই, ২০১৮ হতে ডিসেম্বর, ২০২৪ পর্যন্ত।

কক্সবাজার জেলার উখিয়া ও টেকনাফ উপজেলায় পানি সরবরাহ ও স্যানিটেশন কার্যক্রমে জরুরি সহায়তা প্রকল্প:

জনস্বাস্থ্য প্রকৌশল অধিদপ্তর কর্তৃক “কক্সবাজার জেলার উখিয়া ও টেকনাফ উপজেলায় পানি সরবরাহ ও স্যানিটেশন কার্যক্রমে জরুরি সহায়তা প্রকল্প” শীর্ষক চলমান প্রকল্পের প্রাক্কলিত মোট ব্যয় ৮৯২.০১ (আটশত বিরানব্বই দশমিক শূন্য এক) কোটি টাকা সমপরিমাণ ১০৩.৯৬ (একশত তিন দশমিক নয় ছয়) মিলিয়ন মার্কিন ডলার। ২৬৪.৭২ (দুইশত চৌষট্টি দশমিক সাত দুই) কোটি টাকা সমপরিমাণ ৩০.৮৫ (ত্রিশ দশমিক আট পাঁচ) মিলিয়ন মার্কিন ডলার বাংলাদেশ সরকার যোগান দিবে। এডিবি বাংলাদেশ সরকারকে অতিরিক্ত অনুদান হিসাবে ৩০.৪৯ (ত্রিশ দশমিক চার নয়) মিলিয়ন মার্কিন ডলার প্রদান করবে। এর বাস্তবায়নকাল জুলাই, ২০১৮ হতে জুন, ২০২৫ পর্যন্ত। দুটি প্রকল্পের জন্য এডিবি প্রদেয় ৪১.৪০ মিলিয়ন মার্কিন ডলার অনুদান পরিশোধ করতে হবে না।

প্রকল্প দুটির উদ্দেশ্য হলো বাংলাদেশে আশ্রয়গ্রহণকারী জোরপূর্বক বাস্তুচ্যুত মায়ানমার নাগরিকদের খাদ্য, পানি, স্বাস্থ্য সেবা ও অস্থায়ী বাসস্থানের ব্যবস্থা করা। জাতীয় ও আন্তর্জাতিক সংস্থা কর্তৃক বিভিন্ন মানবিক সহায়তা পৌঁছে দেয়ার জন্য প্রয়োজনীয় অবকাঠামো উন্নয়ন। উল্লেখ্য, এডিবি প্রদেয় ৪১.৪ মিলিয়ন মার্কিন ডলার অনুদান হিসাবে প্রদান করা হবে বিধায় এতে কোন চার্জ নেই।

জরুরী সহায়তা প্রকল্প: কক্সবাজার-টেকনাফ সড়ক (এন-১) উন্নয়ন প্রকল্প:

সড়ক ও জনপথ অধিদপ্তর কর্তৃক “জরুরী সহায়তা প্রকল্প: কক্সবাজার-টেকনাফ সড়ক (এন-১) উন্নয়ন প্রকল্প” শীর্ষক চলমান প্রকল্পের প্রাক্কলিত মোট ব্যয় ৫৬৩.৯৯ (পাঁচশত তেষষ্টি দশমিক নয় নয়) কোটি টাকা সমপরিমাণ ৬৬.২০ (ছয়ষষ্টি দশমিক দুই) মিলিয়ন মার্কিন ডলার। ৯২.৭২ (বিরানকই দশমিক সাত দুই) কোটি টাকা সমপরিমাণ ১০.৮৮ (দশ দশমিক আট আট) মিলিয়ন মার্কিন ডলার বাংলাদেশ সরকার যোগান দিবে। এডিবি বাংলাদেশ সরকারকে সহজ শর্তের ঋণ হিসাবে অতিরিক্ত ৩০ (ত্রিশ) মিলিয়ন মার্কিন ডলার প্রদান করবে। এর বাস্তবায়নকাল জুলাই, ২০১৮ হতে জুন, ২০২৩ পর্যন্ত।

প্রকল্পটির উদ্দেশ্য হলো আর্থ-সামাজিক উন্নয়নের লক্ষ্যে যোগাযোগ, পণ্য ও মালামাল বহনকারী যানবাহন চলাচলের সুবিধার্থে কক্সবাজার-টেকনাফ ৮০.৭৬ কিমি. নিরাপদ এবং পরিবেশ-বান্ধব সড়ক যোগাযোগ স্থাপন।

এডিবি প্রদেয় ৩০ মিলিয়ন মার্কিন ডলার সহজ শর্তের Ordinary Capital Resources- Concessional Loan (OCR-COL) হিসেবে প্রদান করা হবে। OCR-COL ঋণের সুদের হার ১%। এছাড়া, অন্য কোন চার্জ নেই। এডিবি প্রদেয় সহজ শর্তের এ ঋণ ১০ বছর গ্রেস পিরিয়ডসহ ৪০ বছরে পরিশোধযোগ্য।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে এর সদস্যপদ লাভ করার পর থেকে এ সংস্থা বাংলাদেশের আর্থ-সামাজিক উন্নয়নে আর্থিক সহায়তা প্রদান করে আসছে। এডিবি এ যাবৎ বাংলাদেশ সরকারকে ২৭.০২৩ বিলিয়ন মার্কিন ডলারের ঋণ এবং ০.৫৩২ বিলিয়ন মার্কিন ডলারের অনুদান সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি প্রধানতঃ বিদ্যুৎ, জ্বালানি, পরিবহন, শিক্ষা, স্থানীয় সরকার, কৃষি, পানি সম্পদ এবং সুশাসন সেক্তিতে সহায়তা প্রদান করে।


২০.০৬.২২
মোঃ ওয়ালীউল হাসান
সিনিয়র সহকারী সচিব
অর্থনৈতিক সম্পর্ক বিভাগ
অর্থ মন্ত্রণালয়
গণপ্রজাতন্ত্রী বাংলাদেশ সরকার